

**REGLUGERÐ FRAMKVÆMDASTJÓRNARINNAR (EB) nr. 792/94
frá 8. apríl 1994**

**um nákvæmar reglur um beitingu reglugerðar ráðsins (EBE) nr. 3118/93 varðandi fyrirtæki
sem stunda vöruflutninga á vegum í eigin þágu (*)**

**FRAMKVÆMDASTJÓRN EVRÓPUBANDALAGANNA
HEFUR,**

með hliðsjón af stofnsáttmála Evrópubandalagsins,

með hliðsjón af reglugerð ráðsins (EBE) nr. 3118/93 frá 25. október 1993 um skilyrði fyrir því að farmflytjendur geti stundað flutningaþjónustu á vegum í aðildarríki þar sem þeir eru ekki búsettir ⁽¹⁾, einkum 4. mgr. 1. gr.,

og að teknu tilliti til eftirfarandi:

Gestaflutningaleyfi skulu gefin út bæði til fyrirtækja sem hafa leyfi til að stunda vöruflutninga á vegum í eigin þágu og til fyrirtækja sem stunda vöruflutninga á vegum gegn gjaldi.

Gistiríkið skal líta á gestaflutningaleyfi sem fullnægjandi sönnun um að fyrirtækið hafi leyfi til að stunda vöruflutninga á vegum í eigin þágu í samræmi við 4. lið viðaukans við fyrstu tilskipun ráðsins frá 23. júlí 1962 um setningu sameiginlegra reglna um tiltekna vöruflutninga á vegum milli aðildarríkja ⁽²⁾, eins og henni var breytt með reglugerð (EBE) nr. 881/92 ⁽³⁾.

Öll skilyrði fyrir útgáfu og notkun útflutningaleyfa sem mælt er fyrir um í reglugerð (EBE) nr. 3118/93 skulu gilda um vöruflutninga á vegum í eigin þágu.

Þessi reglugerð gildir frá 1. janúar 1994 að telja þannig að hún taki til vöruflutninga á vegum í eigin þágu sem þegar eru stundaðir samkvæmt reglugerð (EBE) nr. 3118/93.

SAMÞYKKT TILSKIPUN ÞESSA:

1. gr.

Fyrirtæki, sem hafa leyfi samkvæmt löggjöf staðfestuaðildarríkisins til að stunda vöruflutninga á vegum í eigin þágu, skulu eiga rétt á gestaflutningaleyfi sem um getur í 2. gr. reglugerðar (EBE) nr. 3118/93, með sömu skilyrðum og fyrirtæki sem stunda vöruflutninga á vegum gegn gjaldi.

2. gr.

Yfirvöld gistiríkisins skulu líta á gestaflutningaleyfi sem fullnægjandi sönnun þess að fyrirtækið hafi leyfi til að stunda vöruflutninga í eigin þágu í samræmi við 4. lið viðaukans við fyrstu tilskipunina.

3. gr.

Reglugerð þessi öðlast gildi á þeim degi sem hún birtist í Stjórnartíðindum Evrópubandalagsins.

Hún gildir frá og með 1. janúar 1994 að telja.

Reglugerð þess er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 8. apríl 1994.

Fyrir hönd framkvæmdastjórnarinnar,

Abel MATUTES

framkvæmdastjóri

(*) Þessi EB-gerð, sem birtist í Stjttfö. EB nr. L 92, 9. 4. 1994, bls. 13, var nefnd í ákvörðun sameiginlegru EES-nefndarinnar nr. 20/94 frá 28. október 1994 um breytingu á XIII. viðauka (Flutningastarfsemi) við EES-samninginn, sjá þessa útgáfu af EES-viðbæti við Stjórnartíðindi Evrópubandalaganna.

⁽¹⁾ Stjttfö. EB nr. L 279, 12. 11. 1993, bls. 1.

⁽²⁾ Stjttfö. EB nr. 70, 6. 8. 1962, bls. 2005/62.

⁽³⁾ Stjttfö. EB nr. L 95, 9. 4. 1992, bls. 1.